

Акафист святой блаженной Ксении Петербургской

Одобрено: решение Св. Синода 20 октября 1992 года

Память: 06 февраля (24 января ст. ст.); 06 июня (24 мая ст. ст.)

Утвержден для общецерковного использования.

Кондак 1

Избрáнная угóднице Христóва, святáя блажéнная Ксéние, хвалéбное пéние ти принóсим, чтúще терпéние твоé и злострадáние вóльное; ты же, имúщи дерзновéние ко Гóсподу, во всýких бедáх и напáстех заступáй нас, грéшных, взывáющих к тебе:

Рáдуйся, Ксéние блажéнная, молíтвеннице о душáх нáших.

Икос 1

Равноáнгельски на землí пожилá есí, блажéнная мáти, по успéнии мúжа твоегó, без приуготовлéния христиáнского внезапу скончáвшагoся, отвéргла есí жизнь мирскúю, молящи Бóга супрúга твоегó дúшу помíловати, пóдвиг юрóдства на себé приáвши, стяжáла есí совершéнство духóвное. Тогó рáди услýши от нас похвалы сýя, тебе возносíмая:

Рáдуйся, Христóва угóдница, в мíре надмíрно пожившáя; рáдуйся вся прилóги мíра, плóти и диáвола победíвшáя.

Рáдуйся, нищетú вóльную на всю жизнь избрáвшáя; рáдуйся, сокровище на Небесí имéти возжелáвшáя.

Рáдуйся, житиём твоím Андрéю, Христá рáди юрóдивому, рáвная; рáдуйся, от всех людéй правослáвных любíмая и слáвимáя.

Рáдуйся, о часé смéртнем помнити нас призывáющая; рáдуйся, блíжняго дúшу пáче мíра сегó любíти нас научáющая.

Рáдуйся, Ксéние блажéнная, молíтвеннице о душáх нáших.

Кондак 2

Видяще стрáнное житиé твоé, блажéнная, я́ко во цвéте млáдости твоея во одéжду мúжа твоегó усóпшаго облеклáся есí, íменем егó нареклáся есí, себé умéршую бýти глагóлющи, дом же твой и вся благáя земнáя остáвивши, скитáлицу себé сотворíла есí, срóдницы твоёй безúмную тя бýти мнáху, лóдие же боголюбíвии воспéша: Аллилúиа.

Икос 2

Рáзум, от Бóга ти даровáнный, в безúмии мнíмом сокрýла есí, блажéнная Ксéние; в суетé же града великаго, áки пустýнница, пребывáла есí, молíтвы своё к Бóгу возносáщи непрестáнно. Мы же, дивящеся житию твоемú, воспевáем ти сýце:

Рáдуйся, крест тяжкий юрóдства, от Бóга ти дáнный, на рáмо своé приáвшáя; рáдуйся, мнíмым безúмием сýяние благодáти сокрýвшáя.

Рáдуйся, íменем мúжеским нарéкшися, нéмоци жéнския отрешíвшáяся; рáдуйся, печáли и скóрби крóтце терпéвшáя.

Рáдуйся, все имéние твоé бédным лóдем раздáвшáя; рáдуйся, жилище Дúху Святóму в сёрдце твоём уготóвившáя.

Рáдуйся, всем прибегáющим к тебе благóе утешéние; рáдуйся, от смéрти внезапныя избавлéние.

Рáдуйся, Ксэние блажénная, молíтвеннице о душа́х на́ших.

Кондак 3

Сíлою, свѣше ти дарова́нною, благода́тию и му́жеством, зной и стúжу лю́тую претерпева́ла еси́, всенóчно моля́щаяся и покло́ны творя́щи; те́мже и просла́влена бысть свя́тость тво́я, блажénная Ксэние, во Оте́честве на́шем многострада́льном и во всем ми́ре правосла́внем, да зове́м с тобо́ю Бо́гу: Аллилу́иа.

Икос 3

Име́ла еси́, о ма́ти блажénная, не́бо покрóв и зéмлю ло́же своё, о теле, во оде́жду вѣтхую облече́ннем, небрегла́ еси́, молíтвы же к Бо́гу пла́менне возноси́ла еси́, сегó ра́ди воспева́ем ти си́це:

Рáдуйся, век твой земный без кро́ва провед́шая; ра́дуйся, Небэснаго кро́ва взыска́вшая и того́ лучи́вшая.

Рáдуйся, по вся дни но́щию в по́ли моли́вшаяся; ра́дуйся, покло́ны земны́я на вся стра́ны свѣта та́мо твори́вшая.

Рáдуйся, град Петро́в всенóчным бде́нием от бед огражда́вшая; ра́дуйся, гнев Бо́жий от него́ мно́гажды отвраща́вшая.

Рáдуйся, благода́тию Ду́ха Свята́го чуде́сно согрева́емая; ра́дуйся, хлад лю́тый душ на́ших молíтвою твоёю растаява́ющая.

Рáдуйся, Ксэние блажénная, молíтвеннице о душа́х на́ших.

Кондак 4

Бу́рю житейску́ю, во гра́де Петро́ве мяту́щуюся, кро́тостию и незло́бием препобежда́ла еси́, ма́ти блажénная, безстра́стие же посреде́ ми́ра сýетнаго стяжа́ла еси́ и та́ко, Ду́хом Святы́м просвеща́емая, зыва́ла еси́ Подáтелю тишины́ сердечны́я Бо́гу: Аллилу́иа.

Икос 4

Слы́шаша лю́дие дар прозрѣ́ния чу́дный, тобо́ю явленны́й, святáя ма́ти, и удиви́шася. Се, женé не́коей рекла́ еси́: возми́ пята́к, zde царь на конé, поту́хнет. Та же не ве́даючи, я́ко ты запале́ние до́ма ея́ прозрела́ еси́, притече́ во своя́ си и узри́ дом свой во огни́ горя́щ, и áбие по молíтве твоёй пла́мень огня́ угасе́. Мнóзи же стра́ждущии к по́мощи твоёй прибега́ху, ю́же стяжавше, та́ко зыва́ша ти:

Рáдуйся, дар прозрѣ́ния смире́нием кра́йним стяжав́шая; ра́дуйся, дар сей на по́льзу и спасе́ние стра́ждущим явля́вшая.

Рáдуйся, свеще́ негаси́мая, к Бо́гу в молíтвах горев́шая; ра́дуйся, ве́рою твоёю пла́менною запале́ние домо́в угаша́вшая.

Рáдуйся, грядúщия ско́рби людскы́я, áки настоя́щия, зрев́шая; ра́дуйся, врач безме́здный и милосе́рдый лю́дем быв́шая.

Рáдуйся, я́ко и нас, немощны́х в ве́ре, укрепля́еши; ра́дуйся, я́ко сия́нием свя́тости тво́ей лю́ди правосла́вныя озаря́еши.

Рáдуйся, Ксэние блажénная, молíтвеннице о душа́х на́ших.

Кондак 5

Боготéчная звезда́ яви́ся свя́тость тво́я на твёрди гра́да Петро́ва, уго́днице Бо́жия, заре́ю своёю сердца́ просвеща́ющая: уже́ бо лю́дем, в безúмии греха́ погиба́ющим, путь спа-

сѣния указала еси, к покаянию их наставляющи, во еже вопити Богу: Аллилуиа.

Икос 5

Видяще подвиги твоя молитвенныя, терпение хлада и зноя великое, людие ослабити желажу злострадания твоя; ты же одежду и вся, ими приносима, нищим раздавала еси, нищету свою, аки сокровище, хранящи. Сего ради слышиши от нас сицевая:

Радуйся, богатство твое токмо в любви к Богу и ближним полагавшая; радуйся, ничтоже земное имевшая и всех духовно богатившая.

Радуйся, милостивым твоим сердцем страждущим сострадавшая; радуйся, помощь им чрез добрых людей посылавшая.

Радуйся, чуждая миру, в мире живущим благо творившая; радуйся, века сего суемудрия отвергавшаяся научившая.

Радуйся, плакати с плачущими нас подвигающая; радуйся, от тяжкаго сна греховнаго пробуждающая.

Радуйся, Ксѣние блаженная, молитвеннице о душах наших.

Кондак 6

Проповѣдана бысть святость жития твоего, блаженная, жителем града твоего, егда ты, о младенце, еще не рождемся, пекущи, жене добрей, в доме, тобою дарованном, жившей, рекла еси: Бог тебе сына посла, теки на кладбище Смолѣнское. Тая же, со тщанием притекши, сироту, рожденна матерю, внезапно на пути пострадавшею и скончавшеюся, в дом свой прияла есть; вся же лета жития своего, тебе благодаряще, сия семья благодатная Богу Человеколюбцу зываше: Аллилуиа.

Икос 6

Возсияла есть слава подвигов твоих, блаженная мати Ксѣние, егда нощию на верх храма Смолѣнскаго камене, таящи, носила еси, дому Пречистей возградитися пособствующи. Ныне же вси молящиися во святем храме сем и во всем мире Божиим, зирающе на образ твой, воспевают ти таковая:

Радуйся, тайно творити добро научающая; радуйся, к подвигом благочестия всех призывающая.

Радуйся, строителем храмов Божиих помогающая; радуйся, святыню церковную возлюбившая.

Радуйся, в делех благих усердное попешение; радуйся, трудов наших на пути спасения облегчение.

Радуйся, под кровом Божия Матере подвиги творившая и тако почившая; радуйся, с Нею ныне на Небесех о нас Христа молящая.

Радуйся, Ксѣние блаженная, молитвеннице о душах наших.

Кондак 7

Хотяще судьбы людския во благая устроить, повелела еси дѣве кротцей на Охту тещи, прорекши, яко «муж твой тамо жену погребает». Та же, аще и недоумевашеся, обаче не послушася глагола твоего, и тамо вдовца млада, над гробом жены рыдавшаго, сретила есть и утешение в молитве ему подаде. Лету же минувшу, она венчастася, и тако многая лета в

любви и согласии поживше, чад своих наставляху тебе, святая мати, чтити, Богу же воспевати песнь: Аллилуиа.

Икос 7

Новое чудо показала еси, блаженная, посреде скверны людския душу твою, юродством сокрытую, в кротости ангельстей соблюди. Научи и нас, мати Ксение, и малыя доли скорбей твоих не терпящих и в ропоте на Бога и ближняго дни наши иждивающих, вся свыше посылаемая в терпении сносить, да взирающе на подвиги твоя, чистым сердцем зовем ти сице:

Радуйся, миру злохладному благодатную мудрость явившая; радуйся, нищеты духовныя блаженство вкусившая.

Радуйся, образ терпения и благосердия нам подающая; радуйся, смирением и покаянием от бед избавлятися научающая.

Радуйся, с молитвою и любовью детей благословлявшая; радуйся, прикосновением рук твою чудесно их исцелявшая.

Радуйся, уныние тяжкое, душу сокрушающее, от нас отводящая; радуйся, надеждо несумненною на милость Божию окреляющая.

Радуйся, Ксение блаженная, молитвеннице о душах наших.

Кондак 8

Странныца бездомная протекла еси путь скорбный жития твоего в стольнем граде Отчества нашего, мати блаженная, взыскующи града вышняго, Иерусалима Небеснаго; ныне же в нем со Ангелы и всеми святыми поеша Богу: Аллилуиа.

Икос 8

Вся в молитвах ко Творцу пребываючи, мати святая, до успения твоего, от страданий и подвигов к жизни блаженной и вечней невозбранно прешла еси. Сего ради, преклоняюще колена сердец наших, благоговейное пение ти приносим:

Радуйся, во обителях горних с лики святых ликующая; радуйся, и нас, тебе молящихся, тамо не забывающая.

Радуйся, чудеса неисчетная по успении твоём явившая; радуйся, смертно болящих, врачми оставленных, исцелявшая.

Радуйся, в пьянстве гибнущих устрашение и исправление; радуйся, места служения лишившимся благое поспешение.

Радуйся, вдовиц и жен, супругом оставленных, покровительнице; радуйся, странников и неприютных питательнице.

Радуйся, Ксение блаженная, молитвеннице о душах наших.

Кондак 9

Всякия утоли болезни, блаженная мати Ксение, на тя надеющихся и к помощи твоей усердно притекающих: якоже поминавших прежде душу твою ради души своей спасения, по завету твоему, тако и ныне помяни всех, прославляющих тя, Богу же, в тебе дивно прославленному, вопиющих непрестанно: Аллилуиа.

Икос 9

Витія суемудренныя разумѣти не мѡгут, како ты безумием своим безумие мѣра сего обличила еси и немощию своею сильныя и крепкия посрамила еси: не ведают бо в тебе силы и премудрости Божия. Мы же, тя почитающе, с любовью зовем ти сѣце:

Радуйся, Божественнаго Духа селение; радуйся, велие к Богу дерзновение.

Радуйся, у усыпальницы твоея молящимся являющаяся и им помогающая; радуйся, землю и едем от нея многия освятившая и от недуг исцелившая.

Радуйся, яко одержимых страстьми от гибели спасаеши; радуйся, яко отвергати себя нас научаеши.

Радуйся, любви и смирения путь во спасение нам указующая; радуйся, во храме Божиим с нами незримо пребывающая.

Радуйся, Ксэние блаженная, молитвеннице о душах наших.

Кондак 10

Спастѣ люди хотящи, блаженная мати Ксэние, присно даруеши им заступление твоѣ чудное. Се деву благочестивую с вдовицею матерью ея, в канун венчания у гробницы твоея усердно молившуюся, от брака спасла еси со злодеем, иже ратнаго человека уби, имя же и чин его себе присвои. В день тойже убийца оный внезапно обличен бысть и, ужасом объят, исповеда пред всеми, яко сила Божия сироту от брака с ним избави, мы же, дивящиеся силе молитв твоих, нас спасающих, воспеваем Богу: Аллилуиа.

Икос 10

Стена еси нерушимая, преблаженная мати, и дом православных. Не остави и ныне супруги разлученныя, помози родителем, за грехи своя о чадех слезы проливающим, научи юноши и девы в чистоте себе хранить и всех нас святыню уз семейных почитать, да едиными усты воспеваем ти тако:

Радуйся, дев благочестивых от брака невернаго избавляющая; радуйся, спутника жизни добраго им обрести помогающая.

Радуйся, сродник враждующих благое примирение; радуйся, слез детских осушение.

Радуйся, от убиения младенцев во чреве женам грозное прещение; радуйся, на камени любви и веры домов устройство.

Радуйся, супругов, смертию разлученных, утешение; радуйся, в жизни безсмертной вѣчное их соединение.

Радуйся, Ксэние блаженная, молитвеннице о душах наших.

Кондак 11

Пение благодарственное приносят ти, мати блаженная, люди православнии, от бед и болезней молитвами твоими избавлении; и ныне, аще попустит нам Всеправедный Господь скорби грех наших ради, со слезами к тебе припадѣм, уповающе на милостивое твоѣ о нас к Богу предстательство, да воспоѣм Ему: Аллилуиа.

Икос 11

Светозарная луча во мраце жития сего, путь ко Свету Непреступному освещающая, явилася еси, богомудрая Ксэние, чудес множеством просиявши. В лютую же годину гонений безбожных вернии от часовни твоея не отступиша, но, презревше и страх смертный, с верою и упованием к тебе притекаху, сердцем воспевающе сѣце:

Рáдуйся, безнадежных надеяние; радуйся, в бездне отчаяния погибающих спасение.

Рáдуйся, униженных и гонимых покровительнице; радуйся, от клеветы и суда неправедного защитнице.

Рáдуйся, обидимых и обездоленных утешение; радуйся, обидящих грозное вразумление.

Рáдуйся, града святого Петра заступнице; радуйся, чадом земли Российской матери и питательнице.

Рáдуйся, Ксение блаженная, молитвеннице о душах наших.

Кондак 12

Благодать утешений обильно изливаеши, блаженная Ксение, всем чтущим память твою и к заступлению твоему притекающим. Темже и мы, грешнии, на тя по Бозе надежду нашу возлагаем и молимся тебе усердно: не остави нас во обстояниях скорбных, умоли Господа сил, да не отпадём от веры православныя, в нейже тобою утверждаеми, зовём Ему верно: Аллилуиа.

Икос 12

Поюще многая твоя чудеса, блаженная матери Ксение, восхваляем тя, яко теплую нашу заступницу и скорую предстательницу. Улучающе же от тебе помощь благодатную, неустанно воспеваем ти сие:

Рáдуйся, светом кротости твоея вся концы земли озарившая; радуйся, житием твоим постническим гордыню диавольскую посрамившая.

Рáдуйся, дому царскому поможение и благословение; радуйся, мира Божия в сердца верных насаждение.

Рáдуйся, о спасении Отечества нашего присно молящаяся; радуйся во Отечество Небесное нам путь указующая.

Рáдуйся, по Богородице в скорбех и печалех наше утешение; радуйся, по Бозе грехов наших прощение и вечное спасение.

Рáдуйся, Ксение блаженная, молитвеннице о душах наших.

Кондак 13

О святая блаженная матери Ксение, в житии твоём крест тяжкий понесшая. Приими от нас, грешных, моление сие, тебе приносимое, оградь нас молитвами твоими от наветов духов тьмы, от бед и напастей, умоли Всещедраго Бога подати нам силу и крепость, да вземше крест свой, вослед Христу грядём, поюще Ему с тобою вовеки: Аллилуиа.

Этот кондак читается трижды, затем 1-й икос «Равноангельски на земли ...» и 1-й кондак «Избранная угодница ...».

Молитва

О святая всеблаженная матери Ксение! Под кровом Всевышняго жившая, ведомая и укрепляемая Богоматерию, глад и жажду, хлад и зной, поношения и гонения претерпевшая, дар прозорливости и чудотворения от Бога прияла еси и под сению Всемогущаго покоишися. Ныне Святая Церковь, яко благоуханный цвет, прославляет тя. Предстояще на месте погребения твоего, пред образом твоим святым, яко живей ти, сущей с нами, молимся тебе: приими прошения наша и принеси их ко Престолу милосердаго Отца Небеснаго,

яко дерзнове́ние к Немú имúщая. Испроси́ притека́ющим к тебе́ вéчное спасéние, на благáя дéла и начинáния нáша щéдрое благословéние, от всяких бед и скорбéй избавлéние. Предстáни святы́ми тво́ими моли́твами пред Всеми́лостивым Спаси́телем нáшим о нас, недостóйных и грéшных. Помози́, святáя блажéнная ма́ти Ксéние, младе́нцы свéтом свята́го крещéния озари́ти и печáтию дáра Ду́ха Свята́го запечатлéти, óтроки и отрокови́цы в véре, чéстности, богобóязненности воспитáти и успéхи в учéнии им даровáти; боля́щая и недúгующия исцели́, семе́йным любóвь и согла́сие низпосли́, мона́шествующих пóдвигом дóбрым подвизáтися удостóй и от поношéний оградí, пáстыри в крéпости Ду́ха Свята́го утверди́, лю́ди и страну́ нáшу в ми́ре и безмяте́жии сохрани́, о лишéнных в предсмéртный час причащéния Святы́х Христóвых Таин умоли́. Ты нáша наде́жда и упováние, скóрое услы́шание и избавлéние, тебе́ благодарéние возсыла́ем и с тобо́ю сла́вим Отца́, и Сы́на, и Свята́го Ду́ха, ны́не и прýсно, и во вéки веко́в. Ами́нь.